

Confusion en  
l'empire.

entrerent par force dedans un monastere de nonnains appellé aux Pierres, lequel est alsiz au faulxbourg qui a un nom semblable, & apres l'auoir pille & saccage, ilz le bruslerent. Par quoy l'an suyuant le Pape Innocent 4. de ce nom, excommunia les suldictz nomme, le comte Raoul de Habsbourg & ses complices, qui auoyent consenty & ayde à brusler ce monastere. Finalement l'empereur mourut en Sicilie l'an de grace 1250. & son filz Conrad mourut aussi l'an 1252. apres la mort desquel Richard frere du roy d'Angleterre & Alfonseroy de Castille furent esleuz roys de Rommains, mais tous deux n'eurent pas le gouuernement de l'empire, & pour ceste cause l'empire fust sans legitime gouuerneur l'espace de 10. ans, & ce pendant tout se portoit mal en Alsace & Souabe. Les princes, les comtes, & aultres grandz seigneurs taschoyent à s'v surper les villes, bourgades, villages, & aultres choses qu'estoyent de l'empire, & auoit grande confusion en l'empire. Ceulx de Zurich, Uri, & Szwitz feirent alliance ensemble pour trois ans durant ces calamitez, asçauoir l'an 1251. le iour Saint Gal. Raoul aussi comte de Habsbourg se portoit enuers eux comme amy & bon voyisin. Mais il eut beaucoup de differentz, & qui durerent long temps, contre l'evesque de Basle & aulcuns comtes.

## Raoul comte de Habsbourg.

**C**E Raoul estoit hōme de grande & legiere stature, il auoit la teste petite, la face pas-  
le, le nez bossu, peu de barbe & cheueux: il estoit sobre en son boire & māger, pru-  
dent & belliqueux, & combien qu'il fust fort riche, toutesfois estoit il bien souuent  
sans argēt. Il n'asquit l'an 1218. Mais son frere Albert mourut à Milan estant detenu

captif, comme nous auoys cy dessus'recite, qu'il auoit  
esté pris en bataille, dōnant aye de au roy Conrad. Or  
il auoit encore vn autre frere nomme Charles, qui e-  
stoit channeio de Basle, & mourut bien ieune. Raoul  
succeda a son pere en la comte Habsbourg & toutes  
ses appertenāces, & fust heritier aussi & poise da ceste  
portion du Lādgrauiat, laquelle son pere auoit acqui-  
se deuant luy au hault pays d'Alsace. Et non content  
de cela, il deliroit toutz ses iours aggrādir son reuenu  
& sa iurisdiction. Sa femme estoit comtesse de Hohem-  
berg de laquelle il eust 4. filz & siz filles. La premiere  
guerre qu'il eust, ce fust contre le baton de Tufenstein,  
puis apres comme son cousin germain Geoffroy com-  
te de Habsbourg, lequel par maniere de sief tenoit la  
ville & seigneurie de Lauffenbergh de l'abbesse de Se-  
ckingē. Il feit aussi la guerre aux comtes de Rapp-  
suyl lesquelz demeurēt aupres du lac de Zurich, & à

Vuernher côte de Hombourg. L'an de salut 1261, comme il y auoit vt discord mortel entre  
les habitārz de la ville de Strasbourg, & l'evesque, seigneur dudit lieut, nommé Vualther de  
Geoltzeck, & que l'Abbe de Saint Gal, & l'abbe de Murbach sustenoient la querelle de  
l'evesque & plusieurs autres, Raoul de Habsbourg qui auoit premierement fauorise à l'e-  
vesque, chāgea puis apres de courage & se tourna du couste des bourgeois de Strasbourg

*La guerre de avec Harmand comte de Kybourg.* Conrad comte de Fribourg, & Henry comte de Neuf-  
ceulx de stras= chastel, promist de leur ayder, & mesme fust fait chef & conducteur de toute leur guerre.

Ce que voyant l'evesque, il brusla la vallée de Vyuler pres de Selestat, qui estoit au comte  
Raoul. Et de l'autre couste Raoul print les villes de Colmar, Keisersperg & Mulhausen,  
desquelles l'evesque de Strasbourg auoit iouy iusques à lors soubz le nom de l'empire Rō  
main. L'an de grace 1162. ceulx de Strasbourg tournerent en fuite l'armée de l'evesque, &  
tuerent son frere nomme Herman de Geroltzeck, & enuiron 60. gentilz hommes, & prin-  
drent 76. personages de renom & autorité. Parquoy l'evesque fust contreint d'

appointer avec les citoyens de la ville, selon  
leur volonté.

Lecomte

